

SIARAN MEDIA

LAWATAN YB MENTERI PENDIDIKAN TINGGI PERKASA PEMBANGUNAN PELAJAR PUO

Ipoh, 17 Mac 2024 – Kunjungan Menteri Pendidikan Tinggi, YB Dato' Seri Diraja Dr. Zambry Abd Kadir ke Politeknik Ungku Omar awal pagi tadi mencerminkan keseriusan dan komitmen tinggi YB Menteri Pendidikan Tinggi dalam meningkatkan kualiti pengajaran dan pembelajaran TVET agar sentiasa berada di tahap terbaik dalam memenuhi aspirasi Malaysia Madani.

Ini merupakan kunjungan pertama YB Dato' Seri Diraja Dr. Zambry Abd Kadir ke Politeknik Ungku Omar sebagai Menteri Pendidikan Tinggi sejak memulakan tugas rasminya pada 14 Disember 2023.

Beliau turut mengumumkan sumbangan sebanyak RM 10 ribu yang diperuntukkan daripada Geran Yayasan Perkasa Siswa (YPS) kepada Majlis Perwakilan Pelajar PUO (MPP PUO) semasa program kembara Semarak Ramadan KPT, Singgah Sahur YB Menteri@PUO disini, pagi tadi.

Yang Di-Pertua Majlis MPP PUO, Saudara Mohamad Alreean bin Albine merakamkan penghargaan atas sumbangan geran ini yang akan digunakan untuk melaksanakan aktiviti pembangunan pelajar Politeknik Ungku Omar.

YB Menteri turut meluangkan masa beramah mesra dan menyantuni para pelajar PUO serta berkesempatan menikmati juadah bersahur bersama-sama bertempat di Dewan Jubli Perak, PUO.

Pengarah Politeknik Ungku Omar, Dr. Shamsuri Abdullah turut berbesar hati atas kunjungan YB Menteri Pendidikan Tinggi ke PUO dalam usaha melonjakkan kecemerlangan PUO untuk mencapai status Politeknik APEX pertama di Malaysia.

Pengarah Politeknik Ungku Omar turut berharap agar sumbangan yang diterima MPP PUO dapat menjadi pemangkin kepada pelajar dalam mengembangkan bakat, pengetahuan, dan kemahiran serta memupuk sifat kepimpinan dalam kalangan mahasiswa.

Dalam majlis sama, 10 pelajar turut menerima sumbangan berjumlah RM200 seorang melalui Tabung Kebajikan Pelajar PUO.

Lebih dari 500 pelajar dan kakitangan PUO telah menyertai program ini.

Turut hadir ke majlis ini adalah Timbalan Ketua Setiausaha KPT (Dasar), YBhg. Dato' Dr. Haji Megat Sany bin Megat Ahmad Supian, YBrs. Encik Mohamad Azhan bin Md. Ami, Timbalan Ketua Setiausaha (Pengurusan dan Pembangunan), YBrs. Dr. Mohd Zahari Ismail, Ketua Pengarah Pendidikan Politeknik dan Kolej Komuniti, YDP Dato' Mohammad Zahir Abdul Khalid, Speaker Dewan Undangan Negeri Perak dan YB Encik Khairudin Haji Abu Hanipah, Pengerusi Jawatankuasa Pendidikan, Pengajian Tinggi, Belia dan Sukan Negeri Perak.

Politeknik Ungku Omar
Politeknik *Premier*
17 Mac 2024